


Prihvaćeno: 30.09.2002.g.			
Org. jed.	Broj	Prijedlog	Vrijednost
01/1	011-1029/02		


BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-1029/02
Sarajevo, 23.09.2002.

Z A P I S N I K
sa 31. sjednice Ustavno - pravne komisije

Sjednica je održana dana 23.09.2002.godine sa početkom u 10,00 sati.

Sjednici su prisustvovali:

1. Mirko Banjac
2. Mirko Mijatović
3. Bogić Bogičević
4. Muhamed Begović i

5. Željko Bilbija

Odsutni su bili članovi Komisije: Mariofil Ljubić, Miro Grabovac – Titan, Hilmo Neimarlija i Osman Brka, koji je najavio odsutnost zbog konferencije za štampu.

U ime predstavnika predlagача, Vijeća ministara BiH sjednici su prisustvovali Amir Pilav i Miodrag Pamdurević.

Sjednici je takođe prisustvovao i Milan Zjajić, sekretar Komisije.

Predsjedavajući Komisije Mirko Banjac predložio je sljedeći

D N E V N I R E D :

1. Verifikacija zapisnika sa 30. sjednice održane 10.09.2002. godine
2. Prijedlog zakona o ispitivanju, žigosanju i obilježavanju ručnog vatrenog oružja i municije prijedlog Vijeća ministara BiH, nadležna Ustavno-pravna komisija,
3. Prijedlog zakona o izmjeni i dopuni Zakona o državljanstvu Bosne i Hercegovine, prijedlog Vijeća ministara BiH, nadležna Ustavno-pravna komisija.
4. Prijedlog zakona o praznicima i neradnim danima u BiH, prijedlog poslanika. Mariofila Ljubića, Mire Grabovca – Titana, Zdenka Vukića, Marka Amidžića i Mirka Bakovića,
5. Autentično tumačenje člana 8.1 Izbornog zakona BiH, na zahtjev poslanika Mire Grabovca - Titana, u ime Kluba HDU.
6. Krivični zakon BiH i
7. Ostala pitanja.

Član Komisije Željko Bilbija je tražio tumačenje za stavljanje na dnevni red Prijedloga zakona pod tačkama 2 i 6, jer nisu ispunjeni uslovi predviđeni Poslovníkom doma. Nakon što je sekretar Komisije pojasnio razloge za stavljanje na dnevni red Krivičnog zakona BiH, prisutni članovi Komisije su jednoglasno zauzeli stav da se članovi Komisije ne osjećaju krivim zato što nisu imali uslove za rad.

Nakon toga predloženi dnevni red je prihvaćen uz jedan "uzdržan" glas.

Ad. 1.

Bez primjedbi zapisnik sa 30. sjednice, održane 10.09.2002. godine, jednoglasno je verifikovan.

Ad. 2.

Zbog ne prisustvovanja sjednici predstavnika predlagača Komisija je jednoglasno skinula sa dnevnog reda Prijedlog zakona o ispitivanju, žigosanju i obilježavanju ručnog vatrenog oružja i municije prijedlog Vijeća ministara BiH

Ad. 3.

Otvarajući ovu tačku dnevnog reda predsjedavajući Banjac dao je riječ predstavniku predlagača zakona, koji je u ime predlagača Vijeća ministara BiH povukao prijedlog iz procedure i najavio novi izmjenjeni prijedlog sa zahtjevom da se razmatra po članu 105. Poslovnika.

Ad. 4.

Zbog ne prisustvovanja sjednici predstavnika predlagača Komisija je jednoglasno skinula sa dnevnog reda Prijedlog zakona o praznicima i neradnim danima u BiH, prijedlog poslanika. Mariofila Ljubića, Mire Grabovca – Titana, Zdenka Vukića, Marka Amidžića i Mirka Bakovića.

Ad. 5.

Nakon diskusije u kojoj su učestvovali svi članovi Ustavno-pravna komisija Predstavničkog doma Parlamentarne skupštine BiH je jednoglasnim izjašnjenjem svih prisutnih članova zauzela stav da je član 8.1. Izbornog zakona Bosne i Hercegovine u skladu sa Ustavom Bosne i Hercegovine, te naglasila da u svakom konkretnom slučaju Izborna komisija Bosne i Hercegovine ocjenjuje valjanost kandidature za sve kandidate na svim nivoima vlasti u Bosni i Hercegovini, a Izborni Zakon daje mogućnost da se u propisanoj proceduri ukaže na eventualne pokušaje prevare.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi Komisija imenuje predsjedavajućeg Mirka Banjca.

Ad. 6.

Predstavnik predlagača nije želio ulaziti u raspravu koja se odnosila na rokove utvrđene Poslovníkom, a nakon kraće rasprave jedinstven stav svih prisutnih članova Komisije bio je da ne skraćuju Poslovníkom utvrđene rokove za ulaganje amandmana.

Ad. 7.

Kako nije bilo ostalih pitanja, u 11,05 sati predsjedavajući je zaključio sjednicu.

PREDSJEDAVAJUĆI
USTAVNO - PRAVNE KOMISIJE
mr Mirko Banjac

